



Шочмо эл, порылык да чын верч!

Б У Д Ъ Г О Т О В /

4-ше (3755) №,
2026 ий 30 январь,
кугарня



0+

Мде лий

1933 ий 1 февраль годсек лектеш.



Курымла гене элым аралаш кӱлеш

Специальный сарзе операций-лан полышым пуймаште республикан надырже кугу. Йо-ча-влакат кертмышт семын ты пашашке ушнат: маскироватлалт-ме сеткым пидыт, талешке-шамычым поро шомакан серыш дене куандарат. Марий Элыште эртаралтше оборонно-массовый да военно-патриотический паша месячник лач тидлан пӧлеклалтеш. Тудым 23 январьш-те Йошкар-Оласе Самырык-

влакын полатыштышт торжественно почыныт.

Тӱрлӧ район гыч пайремыш ушнышо-влакым ончыч экскурсий дене коштыктеныт. Мутлан, Морко район гыч толшо ӱдыр-рвезе-шамычым Юл кундем кугыжаныш технологий университетын Сарзе тунемме рӱдерыштыже вашлийыныт. Коркатово лицейын 10-шо кадет классыштыже тунемше Ксения Иванова (снимкыште шолаште) ты тӧнежыш тунемаш

пураш кумылангын. У Торъял районын икшывыже-влаклан ДОСААФ-ын пашажым радамлен ончыктеныт. СВО-што лийше-шамыч дене вашмутланаш йӧным пуэныт. Тидын нерген У Торъял школышто 10-шо классыште шинчымашым погышо Алина Ахмадулина (снимкыште пурлаште) каласкален.

Умбакеже 2-шо
лаштыкыште лудса.
Оля МАЙКОВАН фотожо.

Курымла дене элым аралаш күлеш

Тўналтышыже –
1-ше лаштыкыште.

Йошкар-Оласе Самырык-влакын полатыштышт Марий Элысе правоохранный орган-шамычын пашаенгышт ончерым келыштареныт, түрлө мастер-классым эртареныт. Йошкар-Оласе 4-ше номеран гимназийын юнармеецше-влаклан нун чийыме вургем ойыртемым шымлаш, дронным виктарен ончаш келшен. **Снимкыште** покшелне юнармий отрядын командирже Булат Павловым да тудын алмаштышыже Данил Егоровым ужда.

Элнан волгыдо ончыкылыкшо – самырык тукумын пенгыде, ўшанле, поро кидыштыже. Йоча-влак шочмо кундемыштым пагален, йоратен кушкыт. Патри-



от шўлышан мероприятийлаш кумылын ушнат. Теве Советский посёлкысо 3-шо номеран школышто 10-шо классыште тунемше Екатерина Князева (сним-

кыште) чолга юнармеец улеш. II степеня «Юнармейская доблесть» знак дене палемдалтын. Тыгайже республикыштына але вич йочан гына.

– *Тыршыдем тыге кўкышын аклымылан моткоч йывырте нам. Ты сенымаш ончыкыжымат патыр, лўддымў, элын ўшанле аралтышыже лияш тарата,* – ойла Катя.

Ўдыр спорт дене кылым куча, пуля дене лўйкалымаште эре ончылно.

Оля МАЙКОВА.
Авторын фотожо.

Российысе увер

7-11-ше класслаште тунемше-влак «Большие вызовы» тўнямбал конкурсыш шанче пашаштым але проектыштым 20 февраль марте колтен кертыт. Сенгыше-влаклан вузыш тунемаш пурымо годым ешартыш баллым пуат. Тўрыс увер – bigchallenges.ru сайтыште.

Ола сўретым вашталташ шонет? «Малые дела – большие перемены» конкурс шонымашетым илышыш шындалаш полша. Келшыше тангасым россия-территория-развития.рф сайтыште ойыро да 15 февраль марте пашатым колто.

6-18 ияш ўдыр-рвезе-влак, «ЮНКОР-2026» конкурсыш тўшкан але шкет ушныза. Йодмашым 1 февраль гыч 19 март марте пуаш лиш. Тўрыс уверым «ВКонтакте» соцкылыште муын кертыда: vk.com/yunkorps.

Марий Элысе увер

14-17 ияш ўдыр-рвезе-шамыч, Марий Эл Республикысе «Роза ветров» йоча да самырык-влакын рўдерыштын эртарыме «Край родной марийский» республикысе шымлыме паша конкурсыш ушныза. Конкурс кум йыжын дене лиш. Районысо йыжын 20 март марте шуйна.

27 февральыште Морко районысо тўвыра да каныме рўдерыште йоча да самырык-влакын «Кутеже вож» республикысе фольклор фестивалыш эртаралтеш. Тушко фольклор коллектив-влакым ўжыт.

26 февраль марте Республикысе йоча да самырык-влаклан В.Колумб лўмеш книгагудышто «Книжная палитра народов» теле лудмаш фестиваль эртаралтеш. Тудын радамаште йоча йомак конкурс, марафон да моло мероприятий-влак лийыт. Тўрыс увер – rubcolumba.ru сайтыште.

Лудшылан тауштена

Газет ден журнал-влаклан 2026 ийын икымше пелийжылан во-залтме тургым мучашлалтын. «Ямде лийым» лудын шогышо шергакан йолташна-шамыч ончычсо семынак газетлан почто, почтальон, редакций гоч подпискым ыштеныт. Квитанцийжым але тудын копияжым редакцийышке колтеныт, лотерей модмашке ушненыт Ме, редакций пашаен-влак, сенгыше-шамычым ойыренна.

Тўн приз – сўретлаш набор – Антонида Ивановалан (Волжский, Ярамарий) логалын.

Канцеляр сатум опташ органайзер – Галина Гурьева (Морко, Шордўр). **Кухнышто кучылташ йўршў арвер-влак** – Дарина Столярова (Советский, Кодам). **Акрил маркер-влак** – Сергей Кидалашев (Морко, Тат-Кушна). **Раскраске ден түрлө тўсан фломастер-влак** – Елена Никифорова (Параньга, Матародо). **Сумкам ышташ набор** – Ульяна Егошина (У Торъял посёл-



ко). **Кайык ўстел** – Л.П.Поликарпова (Кужэгер, Йывансола). **Тунемшылан набор** – В.В.Никулина (Йошкар-Ола).

Пўлекым 2026 ий 1 апрель марте налын шуктыман. Редакцийын адресше: Йошкар-Ола, Печать пўрт (СССР Вооружённый Вийын 70-ше идалыкше урем, 20-шо пўрт), 6-шо пачаш.

«Ший памаш» сылнымут фондм вуйлатыше, серызе В.В.Красновлан лотерей модышым эртараш полшымыжлан кугу таум ойлена.



Шочмо кечет дене, «Ямде лий»!

Йоча газетын икымше номерже 1933 ий 1 февральыште савыкталтын. Тиражше 500 экземпляр лийын. Редакторжо – Зинаида Емельяновна Яковлева, Олык Ипайын пелашыже. Марий икшывын шочмо йылмыж дене лектын шогышо газетше лийже манын, марий сылнымутын классикше Сергей Чавайн ден поэт Олык Ипай чот тыршеныт.

«Ямде лий» йоча газет 93 ий ўдыр-рвезе-влакым чолга лияш, кугезына-влакын курымаш сугынышт почеш илаш туныкта, ару койыш-шоктышан кушкеш кумыланда. Тудым Марий Эл, Татарстан, Башкортостан, Удмурт республиклаште налыт да лудыт. Сылнымутлан шўман ўдыр-рвезе-шамыч шке пашашт дене куандарат.

Йоча газет дене кылым кучен, ятыр тукум кушкын, илыш корныш шогалын, лўмлў айдеме лийын. Чыладамат «Ямде лий» газетын шочмо кечыж дене шокшын саламлена! Тек йоча газетын ўмыржў кужу лиеш!





Куанен эскерена

У ийлан кормушкышкына чал шиште толын. Ах, кузе куаненна, кунамсек тудым вученна! Ме кайык-влакым йүштö игече толмек пукшаш тўналынна. Эрдене кечшудым оптена, коям сакена. Киса, пöрткайык-шамыч ятырынак толыт. Ужаргиса (лазоревка), гаичке-шамычым куанен эскерена. Ик пембе (зяблик) чонештен толаш тўналын. Нунын икте-весе дене тагасен чўнгымыштым ончаш могай онгай!

Элнет энэр воктеке каяш тарванена гын, пеленна эре кечшудым налына. Шулдыран йолташна-влаклан кочкашышт вич вере пыштена. Тек кайык-шамыч темше чонештылыт да мемнам куандарат.

*Марина СТЕПАНОВА.
Волжский, Упшер.*

Янлык кыша

Телымсе пўртүс чоным куандара, уремышке ўжеш. Курык гыч издер дене мунчалтена, ечим чиен, пўртүс лонгаш каена. А тушто онгайым ужына, тўрлö кышам вашлийына. Илыш ончыко кая, телымсе йүштат тудым чарен шогалтен огеш керт. Кышам ончен, ял воктене могай янлык коштым вигак пален налаш лиеш. Мемнан дене ны рывыж, ны пире кышам от верешт. Лач ик гана меран кышам ужынам. Тидлан моткоч йывыртенам.

*Виктория ИВАНОВА.
Морко, Коркатово.*

Молан Элнет ий дене комыжлалтын?

«Марий Чодыра» национальный парк – республикнан пўртүс поянлыкше. Яндар ер, пич чодыра да шотлен пытарыдыме памаш-влак шер пырче гай улыт. Нуным ик аршашыш чумырышо ший шўртö – Элнет энэр. Но шукерте огыл парк гыч тургыжландарыше увер толын: Керебеляк лесничестве кумдыкышто энэрым ий леведын (снимкыште). Ты пўртүс кончыш монгерен ойла?

– 25 ий наре пашам ыштыме жапыште Элнетын ий дене комыжлалтмышым икымше гана ужынам. Игече левештмекат, ий шулен огыл, тидат öрыктара. Пытармыш кум ий жапыште энэрын вайталтмыше вигак коеш. Вўдишор годым Элнет ончыксо семын огеш шарле, келгытшат иземын, вўдишат шагалемын, – ойла «Марий Чодыра» паркын кугыжаныш инспекторжо Вячеслав Алексеевич Кидалашев.

Вўд шагалемме да ий дене леведалтме коклаште кыл уло мо? Вашмутым Элнет пундашыште кычалман.

– Шукын тыге шонат: энэрым ий деч тудын писылыкше арала. Тўрысек тыге огыл. Ондак Элнетын моткоч шуко паша ийоген пурен. Вўд эре ешарал-



тын, варналтын. Пытармыш жапыште пашашын чотшо шагалемын, южо вере йöршеш петырнен. Энэрым вўд йоген пурным чарнен. Тыге Элнет ий дене комыжлалтын, – умылтара «Марий Чодыра» паркын пашаенже-влак.

Тыгай вайталтыш энэрын сынжым веле огыл, тыгак тудын йыр тўзланыше пўртүс сўретым весседа. Ты кундемын ончыкылыкшым умылаш манын, келге шымлыме пашам эртарыман.

*Национальный паркын
пресс-службыжын уверже негызеш
Катя СЕРГЕЕВА ямдылен.*

Фотом паркын архивше гыч налме.

Изи кайыклан полыш



Шукерте огыл урокышто киса нерген мутланенна. Тудын муремыжым колыштынна, изи кайык дене кылдалтше почеламутым лудынна. Телым киса-влаклан илен лекташ моткоч неле улмаш. Садлан ме, икымше классыште тунемше-шамыч

(снимкыште), пушентгышке коя падырашым сакаш мутланен келшенна. Кайыклан пöлеклалтше чапкўм шогалтыме нерген шонымашат онгайын чучын.

*Лица БИРЮКОВА.
Морко, Арын.*

Фотом школ архив гыч налме.



Татарстан Республикасы Пестречинский район Новое Шигалево селәсе Шуко профилян лицей пелен «Весела ното-влак» уста вокал коллектив уло. Тушто түрлө калык гыч лекше икшыве-влак мастарлыкым погат: руш, татар, марий, корей, эстон. Ансамбль самырык. Мураш йоратыше-влакым З.А.Яббарова ик коллективыш ныл ий ончыч чумырен. Тунам ўдыр-рвезе-шамыч верысе йоча-садыш коштыныт. Изи гынат, пеш чулым улыт. Моштымашыштым ятыр конкурсышто тергат да чўчкыдын сөгыше радамаш лектыт. Москошто, Калининградыште, Санкт-Петербургышто лийыныт. Мый падыраш-влак дене Йошкар-Оласе И.С.Палантай лўмеш тўвыра да сымыктыш колледжын Калыкле сымыктыш гимназийыштыже эртаралтше «Ший па-маш» регион-влак кокласе фестиваль-конкурсышто палыме лийынам (снимкыште). Агытан нер-

ген мурым йонгалтарымышт годым сценыште шкеныштым чылт артист семын кученыт. Шкешотан сценкым ончыктеныт. Икымше верым сөген налыныт.

– Ўдыр-рвезе-влак тыршен тунемыт, репетицийиш куанен коштыт. Репертуарыштына икмыняр йылме дене муро уло. Тыге йоча-шамыч вес калыкын йылмыжым тунемыт, тўвыражым шымлат. Концертлан чийыме тўвырысо тўрлан тўткышым ойырат. Кызыт икшыве-влак дене Кытайысе Пекин олаште эртаралтше конкурсыш каяш ямдылалтына. «С чего начинается Родина?» мурым рушла, татарла да кытайла мураш тўналына, – палдарыш Зарина Айдаровна.

«Весела ното-влак» ансамбльлан умбакыжат сай лектышыш шуаш тыланена. Тек мастарлыкдам вес элыштат кўкшын аклат.

Оля МАЙКОВА.
Авторын фотожо.



Марий пайрем

Школышто марий пайрем-влакым эртарашак тыршена. Калык тўвырам, сылнымутым шымлымашлан тўткышым ойырена. Марий тиште кечым кумдан палемдена (снимкыште). Йоча-шамычлан марий возыктышын эртыме корныж нерген каласкалена. Нуно икымше шанчысн, журналист, серызе-влак нерген пален налыт. Тиште, тамга, марий түр нерген

уло кумылын колыштыт. «Ото» почеламутым сылнын лудыт, викторинысе йодыш-шамычлан вашмутым кычалыт. Шочмо калыкын эртыме корныжым шымлен, марий улмышт дене утларак кугешнаш тўналыт манын ўшанена.

Ю.С.КАЛЯЕВА.
Башкортостан, Балтач,
Улыл Иыванай.
Фотом школ архив гыч налме.

Шорчол

Мемнан кундемыште Шорыкйол пайремым Шорчол маныт. Тудын ойыртемеже могай?

Эрдене эрак озавете мелнам кўзштеп. Вара шокшо конгаш парентым кудалта. Вольык тўлыжō манын, вўташ лектын, вольыкым тўкалта. Кас пычкемыш годым кашташте шинчыше чывымат тарватат – муным шуко мунчыжо манын. Мўкшым ашныше-влак мўкшомарта нергенат огыт мондо. Пакчашке лектын, олмапум рўзалтат. Кастене шорчол-влак пōрт еда коштыт. Суртоза-шамыч нуным тамлын сийлат. Васликува ден кугыза кайымышт годым сугыным пуат.

Ковам, ожнысо илышым шарналтен, тыге ойла: «Шорчолын вес кечынже «курчак ўдыр-влак», мотор тувырым, чапле солыкым (шовычым) пидын, ял мучко мурен, куштен коштыныт». Ты йўла кызыт ок шукталт.

Татьяна МИХЕЕВА.
Татарстан, Агрыз, Буйма.





2026 ийлан «Ямде лий» газет редакций ден «Ший памаш» сылнымут фонд йоча-влаклан «РВЕЗЕ ЙЎК» конкурсим увертарат.

Конкурсин тўн шонымашыже:

шочмо йылме, сылнымут
полшымо дене самырык
авторын чон
арулыкшым аралаш;

возымо усталыкым вияндаш йоным ышташ;

шинчымашым кумдандаш;

ончыкылык сылнымутчо,
журналист-влакым кушташ.

Тыгай премий-влак пуалтыт:



Зинаида Яковлева лўмеш –
журналистикын тўрлō
жанрже дене чолган возен
шогышо юнкорлан.

Зинаида Емельяновна Яковлева 1933-1935
ийлаште «Ямде лий» газетын редакторжо
лийын. Газетын икымше номерже лекмаште
чот тыршен. 1950-1952 ийлаште – МАССР
просвещения министр.

Антонов Ивук лўмеш –
почеламутым эн сайын
возышо авторлан.

Самырык поэт Антонов Ивук
(Иван Андреевич Антонов) йоча
газет дене пентыде кылым кучен. Икымше по-
челамутшо «Ямде лийыште» савыкталтын.
Н.К.Крупская лўмеш Марий кугыжаныш педаго-
гический институтышто тунеммыж годым газет ре-
дакцийыште литератур полкан пашажым виктарен.



Валентин Исенеков лўмеш –
школлесе юнкор, литературно-
творческий да сылнымут кружоклан.

Писатель да журналист Валентин Борисович Исе-
неков 1967-1988 ийлаште «Ямде лий» газет редакци-
йын серыш-влак да тўшка паша полкажым вуйлатен.
1970-1980 ийласе юнкор-влакын эн кугу йолташышт
да сылнымут туныктышышт лийын.

**Шулдыр Васлий
лўмеш** –
эн онгай мыскарам
возышо юнкорлан.

Шулдыр Васлий (Василий Ва-
сильевич Крылов) 1991-1997 ий-
лаште «Ямде лий» газетын тўн
редакторжо лийын.



Алеко Юзыкayн лўмеш –
Марий Эл деч őrдыктō марий-влакын
тўшкан илыме кундемласе (Одо, Пош-
кырт, Татарстан, Виче (Киров), Сверд-
ловск, Угарман, Пермь) ойыртемалтше
юнкор, литературно-творческий да сылны-
мут кружоклан але авторлан (йочалан).

Башкортостан Республик Краснокам район Чормак
ялын эргыже Алеко Юзыкayн (Алексей Михайлович
Юзыкayн) 1969-1986 да 2002-2003 ийлаште «Ямде
лий» газетын тўн редакторжо лийын.

Конкурс 2026 ий декабрьыште иктешлаптеш.

- Ик юнкор тўрлō танасымаште мастар-
лыкшым терген кертеш.
- Автор але кружок 3 ий гыч конкурсыш
уэш ушнен сенга.
- Конкурсыш пурышо паша-влакым жури
аклаш тўналеш.
- Адрес: Йошкар-Ола, СССР Вооружён-
ный Вийын 70-ше
идалыкше урем,
20-шо номеран порт.

Конкурсин
учредительже –
«Ший памаш»
сылнымут фонд (вуйла-
птыше – писатель
Василий Краснов).

ПОДПИСКЕ

«Ямде лий» газетлан кажне тылзын 15-ше числа марте почто от-
деленийыште, podpiska.pochta.ru сайтыште але «Почта России»
мобильный приложенийыште возалташ але QR-код полшымо
дене подпискым ышташ лиеш.





Июшто Кугызан илемже

Шернур район Кукнур кундемын ойыртемалтше верже – Июшто Кугызан илемже. 1-ше номеран Морко школышто 4-ше «А» классыште тунемше-влак (снимкыште) тушко экскурсий дене миенят. Игече июшто ыле гынат, кылмаш да йокрок-ланаш жап лийын огыл. Йо-ча-шамычлан Июшто Кугызан юзо корныж дене ошкылаш пеш келшен. Нуно Чодыра оза, Эм-

лызе, Овда, Вувер дене вашлийыныт. Йомакысе герой-влак түрлө конкурсым, тагасы-машым эртареныт. А кугу курык гыч издер, ватрушко дене мунчалтымашыже мыняр куаным полеклен! Мучашлан Июшто Кугызан портыштыжө шудан шокшо чай ден мелнаже могай тутло лийыныт!

Людмила ГУРЬЕВА.
Фотом школ архив гыч налме.

Историйым шергалына



2 февральыште
Российыште Воин
чап кече палем-
далтеш. 1943 ий
ты кечын совет
войска-влак Сталинград крдал-
маште фашист түшкым кырен
шалатеныт.

Пүнчерыште

Каныш кечын ача-авам дене
пырля чодыраш мунчалташ ми-
енам (снимкыште). Пүнчерыште
юж яндар, калык шуко коштеш.
Пушенге укшеш кайык үстелым
сакеныт. Мыят урлан пүкшым,
кисалан пырчым пыштенам.

Дама ПОПОВА.
Йошкар-Ола, 1-ше номеран школ.
Фотом еш архив гыч налме.



МАРИЙ ЭЛ РЕСПУБЛИКЫН ТУВЫРА, ПЕЧАТЪЕ ДА КАЛЫК-ВЛАКЫН ШОТЫШТО МИНИСТЕРСТЫЖЕ

М. Шкетан пумыш
Марий кугажыжы драме театр

Марийский национальный театр
драмы им. М. Шкетана

ПУРГЫЖ

ФЕВРАЛЬ

1	11:00	СЕРЕБРЯНАЯ ПАМПАЛЧЕ Мари-Теймуров	Не русские кино	Д. Давидов, С. Яковлев	6+
4	18:00	СПАСИ КАМЕР-ЮНКЕРА ПУШКИНА Мари-Теймуров	Не русские кино	А. Теймуров	12+
6	18:00	КУЗЕ ГЫН МАРЛАН ЛЕКТАШ ОGYЛ... Мари-Теймуров	Не русские кино	А. Теймуров	16+
7	18:00	СОСНА ПОМИНКА Мари-Теймуров	Не русские кино	С. Яковлев	16+
8	11:00	ЗОЛУШКА Мари-Теймуров	Не русские кино	Ш. Гафаров	6+
8	18:00	ВСЕОБЪЕМЛЮЩЕ Мари-Теймуров	Не русские кино	Н. Ковалев	12+
12	18:00	ЗАПИСКИ ЮНОГО ВРАЧА Мари-Теймуров	Не русские кино	М. Бурмистров	12+
13	18:00	КАЧЕ ПАЗАР Мари-Теймуров	Не русские кино	Н. Ковалев	12+
14	18:00	ИОРАТЫМАШЫН УЛО ЮЗО ВИЙ Мари-Теймуров	Не русские кино	А. Теймуров	6+
15	11:00	ВОЛШЕБНАЯ ЛАМПА АЛАДДИНА Мари-Теймуров	Не русские кино	А. Теймуров	6+
15	18:00	ЗАПИСКИ ЮНОГО ВРАЧА Мари-Теймуров	Не русские кино	М. Бурмистров	12+
17	18:00	САЛИКА Мари-Теймуров	Не русские кино	С. Яковлев	12+
19	18:00	ЭРЛА ЯЛ ПАЙРЕМ Мари-Теймуров	Не русские кино	Д. Давидов	12+
21	18:00	ЧОНЕШТА ТУРНА КАШТА... Мари-Теймуров	Не русские кино	В. Ровин	12+
21	18:00	КАВАСЕ АЛАША Мари-Теймуров	Не русские кино	А. Яковлев, С. Яковлев	12+
25	18:00	ЙЫВАН КЫРЛА. ПУТЁВКА В ЖИЗНЬ Мари-Теймуров	Не русские кино	С. Яковлев	12+
26	18:00	СПАСИ КАМЕР-ЮНКЕРА ПУШКИНА Мари-Теймуров	Не русские кино	А. Теймуров	12+
27	18:00	ИОРАТЫМАШ ДА КОГӨРЧЕН-ВЛАК Мари-Теймуров	Не русские кино	В. Ровин	12+
28	11:00	БОГАТЫРЬ ИЗ ТЕСТА Мари-Теймуров	Не русские кино	Н. Ковалев	6+


Рекламе.

БИЛЕТЫ НА ВЫСТАВКУ
МАРИЙСКИЙ НАЦИОНАЛЬНЫЙ ТЕАТР
SHKETAN.RU

СРЕДСТВА ИДУТ
НА СОФИЦИЦИ
МАРИЙСКИЙ НАЦИОНАЛЬНЫЙ ТЕАТР
МАРИЙСКИЙ НАЦИОНАЛЬНЫЙ ТЕАТР

Электротулым аныклыза

Мом возымо? Палыза.



Покупаем
ЛИПОВЫЙ МЁД
300 руб. за кг
Минимальный объем
400 кг
Сами приезжаем,
тара на обмен, деньги сразу.
Тел. 8-965-356-57-14

Реклама.



0+

Марий Эл
Республикысе
«Марий Эл»
увер агентстве» КАУ.
Директор –
Е.И.КУЗНЕЦОВ.
Түн редактор –
А.Н.ГРИГОРЬЕВА.

Индекс П4696.
Тираж 1500 экз.
Заказ
Формат – А-4-8.

Газетым Кыл, информационный
технологий да массовый
коммуникаций сферым
эскерыме шотышто
федеральный службын Юл кун-
дем федеральный округысо
управленийыштыже
регистраватылме.
Номер – ПИ № ТУ52-01404,
2023 ий 22 сентябрьыште пумы.

Учредитель-влак:
Марий Эл Республикысе Тувыра,
печать да калык-влакын пашашт
шотышто министерстве,
Марий Эл Республикысе
«Марий Эл» увер агентстве» КАУ.

Редакций да издатель: Марий Эл
Республикысе «Марий Эл»
увер агентстве» КАУ,
424006, Йошкар-Ола,
СССР Вооружённый Вийын 70-ше
идалькыше урем, 20-шо порт.
Тел. 8(8362) 45-22-82.

Газетым редакцийыште
погымо да верстатлыме,
«Марий Эл Республикысе
Правительствын
типографийже» ООО-што
ямде оригинал-макет гыч
савыктыме.
Типографийын адресше:
424000, Йошкар-Ола,
Комсомольский урем, 112.

Печатьыш пумы жап –
14-00, фактически – 13-00.

Авторын да редакцийын
шонымашышт түрлө лийын кертят.
Серыш-влак мөнгеш огыт колталт.
Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru
(автор-влаклан)
Сайтын адресше: ямделий.рф


У конкурс



Йылгыжше сүрет

Алмаз мозаикым погаш моткоч келша. Түрлө түсан йылгыжше чинче-влакым иктын-иктын пижыктыме годым вий ешаралтеш да ушыш волгыдо шонымаш-шамыч пурат. А лектышыже могай куанле! Сүрет-шамыч суртнам сорастарат. Икмынаржым лишыл енем-влаклан кучыктенам. Уло чоным пыштен шке гыч ыштыме пӧлеклан нуно пеш йывыртеныт. Кызыт черетан сүретым погем, молгунамсе деч нелыракым да ойыртемалтшым. Чинче-влак фосфоран улыт, йӱдым волгалташ тӱналыт.

Элеонора НИКИТИНА.
Морко, Купсола.

Келшыше
ӱмылым муза.

Кроссворд

27 январьыште кумдан палыме руш сатирик, серызе
М.Е.Салтыков-Щедринын шочмыжлан 200 ий темын.



1. Салтыков-Щедрин кумдан палыме йомакше «Премудрый ...».

2. М.Е.Салтыков-Щедрин шочмо селаже.

3. Писательын псевдонимже ... Щедрин.

4. Серызе могай кундемыште шочын?

5. Писательын кумдан палыме романже «Господа...».



6. Кугыенлан пӧлеклалтше сатире сынан йомак сборникшын лӱмжӧ.

7. М.Е.Салтыков-Щедрин шочмыжлан мыняр ий темын?

8. Могай олаште мемориал тоштерже верланен?

Катя ПАВЛОВА.
Волжский, Сотнур.

Шотлыза.



Сүретым ончен,
цифр-влакым ушыза
да чиялтыза.